

唐詩所前集


三十

二十一

五言律詩

| | | | |
|------|---|---|---|
| 漢書門類 | | | |
| 一 | 二 | 三 | 四 |
| 八 | 〇 | 四 | 三 |
| 三 | 二 | 冊 | 架 |

| | | | |
|------|---|---|---|
| 內閣文庫 | | | |
| 三 | 二 | 冊 | 架 |
| 九 | 函 | 一 | 六 |
| 一 | 二 | 冊 | 架 |
| 八 | 〇 | 四 | 三 |
| 三 | 二 | 冊 | 架 |
| 九 | 函 | 一 | 六 |
| 漢 | 書 | 門 | 類 |



| | |
|------|---------|
| 內閣文庫 | |
| 番號 | 漢 11843 |
| 冊數 | 32(20) |
| 函號 | 319 124 |



唐詩所第三十卷

律詩

秋日翠微宮

淺草文庫

前集

太宗

秋光凝翠

一作紫

嶺涼吹肅離宮荷疎一蓋缺樹冷半帷

空側陣移鴻影圓花釘菊叢攄懷俗塵外高眺白雲中

從駕溫泉宮

徐安貞

神女調溫液年年侍聖人試開臨水殿來洗屬車塵暖

氣隨明主恩波浹近臣靈威自無極從此獻千春

侍從遊宿溫泉宮作

李白

羽林十二將羅列應星文霜仗懸秋月霓旌卷夜雲巖

更千戶肅清樂九天聞日出瞻佳氣葱葱

一作叢叢

繞聖君



從駕發合璧宮

和周記室

李嶠

濯龍春苑曙翠鳳曉旗舒野色開煙後山光澹月餘風
長笳響咽川迴騎行踈珠履陪仙駕金聲振屬車

昌年宮作

豆盧復

但有離宮處君王每不居旗門芳草合輦路小槐踈殿
閉山煙滿窓凝野靄虛豐年多望幸春色待鑾輿

奉和登鴛鴦樓卽目

應制

孫逖

玉輦下離宮瓊樓上半空方巡五年狩更闢四門聰井
邑觀秦野山河念禹功停鑿留睿作軒檻起南風

登新平樓

李白

去國登茲樓懷歸傷暮秋天長落日遠水淨寒波流秦
雲起嶺樹胡鴈飛沙洲蒼蒼幾萬里目極令人愁

登岳陽樓

杜甫

昔聞洞庭水今上岳陽樓吳楚東南坼乾坤日夜浮親
朋無一字老病有孤舟戎馬關山北憑軒涕泗流

與夏十二登岳陽樓

李白

樓觀岳陽盡

一作近

川向

一作迴

洞庭

開鴈引愁心

一作別秋江

去山銜好月來雲間連

一作逢

下榻天上接行杯醉後涼

風起吹人舞袖廻

陪裴使君登岳陽樓

杜甫

湖闊兼雲霧樓孤屬晚晴禮加徐孺子詩接謝宣城雪
岸叢梅發春泥百草生敢違漁父問從此更南征

陪張丞相登嵩陽樓

孟浩然

獨步人何在嵩陽有故樓歲寒問耆舊行縣擁諸侯林
莽北彌望沮漳東會流客中遇知己無復越鄉憂

楊子江樓

孫逖

楊子何年邑雄圖作楚關江連二妃渚雲近八公山驛
道清楓外人煙綠嶼間晚來潮正滿數處落帆還

江樓作

崔湜

子牟懷魏闕元凱滯襄城冠蓋仍爲客池臺尚識名山

光晴後綠江色晚來清爲問東流水何時到玉京

登河北城樓作

王維

井邑傅巖上客亭雲霧間高城眺落日極浦映蒼山岸
火孤舟宿漁家夕鳥還寂寥天地暮心與廣川閒

登兗州城樓

杜甫

東郡趨庭日南樓縱目初浮雲連海岱平野入青徐孤
嶂秦碑在荒城魯殿餘從來多古意臨眺獨躊躇

白帝城樓二首

江度寒山閣城高絕塞樓翠屏宜晚對白谷會深遊急
急能鳴鴈輕輕不下鷗夷陵春色起漸擬放扁舟

律言 卷三十一 三
漠漠虛無裏連連睥睨侵樓光去日遠峽影入江深臘
破思端綺春歸待一金去年梅柳意還欲攪邊心

春日梓州登樓 二首

行路難如此登樓望欲迷身無却少壯跡有但羈棲江
水流城郭春風入鼓鞞雙雙新燕子依舊已銜泥
天畔登樓眼隨春入故園戰場今始定移柳更能存厭
蜀交遊冷思吳勝事繁應須理舟楫長嘯下荆門

題虢州西樓

岑參

錯料一生事蹉跎今白頭縱橫皆失計妻子也堪羞明
主雖然棄丹心亦未休愁來無去處祇上郡西樓

題潼關樓

崔顥

客行逢雨霽歇馬上津樓山勢雄三輔關門扼九州川
從陝路去河遶華陰流向晚登臨處風煙萬里愁

題金城臨河驛樓

一作張謂

岑參

古戍依重險高樓見五涼山根盤驛道河水浸城墻庭
樹巢鸚鵡園花隱麝香忽如江浦上憶作捕魚郎

與杭州薛司戶登樟亭樓作

孟浩然

水樓一登眺半出青林高帟幕英僚敞芳筵下客叨山
藏伯禹穴城壓伍胥濤今日觀溟漲垂綸學 一作釣鼈

與顏錢塘登樟亭樓望潮作

百里聞雷一作雷聲震鳴絃暫輟彈府中連騎出江上待潮

觀照日秋雲一作空迴浮天一作雲渤澥寬驚濤來似雪一

坐凜生寒

登平望橋樓

顏真卿

登橋試長望望極與天平際海蒹葭色終朝鳧鴈聲近

山猶一作全髣髴遠水忽微明更覽諸公作知高題柱名

題新津北橋樓

得郊字

杜甫

望極春城上開筵近鳥巢白花簷外朶青柳檻前梢池

水觀為政厨煙覺遠庖西川供客眼唯有此江郊

與趙冬曦尹懋子均登南樓

張說

危樓瀉洞湖積水照城隅命駕邀漁父通家引鳳雛山

晴紅藥匝洲曉綠苗鋪舉目思鄉縣春光定不殊

泗上馮使君南樓作

祖詠

井邑連淮泗南樓向晚過望灘沙鷺起尋岸浴童歌近

海雲偏出兼秋雨更多明晨擬回棹鄉一作歸思恨風波

東樓

杜甫

萬里流沙道征西過此門但添新戰骨不返舊征魂樓

角凌風迴城陰帶水昏傳聲看驛使送節向河源

題陸山人樓

儲光羲

暮聲雜初鴈夜色涵早秋獨見海中月照君池上樓山

律詩 五言 卷三十一 五

雲拂高棟天漢入雲流不惜朝光滿其如千里遊

春日登樓野望

薛稷

憑軒聊一望春色幾芬一作芳非野外煙初合樓前花正

飛嬌鶯弄新響斜日散餘暉誰忍孤遊客言念獨依依

登樓思京

同崔駙馬作

駱賓王

麗譙通四望繁憂起萬端綺疏低晚魄鏤檻肅初寒白雲鄉思遠黃圖歸路難唯餘西向笑暫似當長安

晚霽登王六東閣

張九齡

試上江樓望初逢山雨晴連空青嶂合向晚白雲生彼美要殊觀蕭條見遠情情來不可極日暮水流清

草閣

杜甫

草閣臨無地柴扉永不關魚龍迴夜水星月動秋山夕露晴一作清初濕高雲薄未還泛舟慙小婦飄泊損紅顏

宿江邊閣

暝色延山徑高齋次水門薄雲巖際宿孤月浪中翻鶴追飛盡豺狼得食喧不眠憂戰伐無力正乾坤

登裴秀才迪小臺

王維

端居不出戶滿目望一作空雲山落日鳥邊下秋原人外閒遙知遠林際不見此簷間好客多乘月應門莫上關

臺上

得涼字

杜甫

改席臺能

一作

迴留門月復光雲霄遺暑濕山谷進風

涼老去一杯足誰憐屢舞長何須把官燭似惱鬢毛蒼

望春亭侍遊

應詔

杜審言

帝出明光殿天臨太液池堯樽隨步輦舜樂繞行麾萬

壽禎祥獻三春景物滋小臣同酌海歌頌荅無爲

夏日仙萼亭

應制

宋之問

高嶺逼星河乘輿此日過野舍時雨潤山維夏雲多睿

藻光巖穴宸襟洽薜蘿悠然小天下歸路滿笙歌

岐王山亭

張諤

王家繡綠池春色正相宜豈有樓臺好兼看草樹奇石

榴天上葉椰子日南枝出入千門裏年年樂未移

蔡起居山亭

徐晶

文史歸休日棲閒臥草亭薔薇一架紫石竹數重青垂

露和仙藥燒香誦道經莫將山水弄持與世人聽

都尉山亭

杜審言

紫藤縈葛藟綠刺罨薔薇下釣看魚躍探巢畏鳥飛葉

疎荷已晚枝亞果新肥勝迹都無限只應伴月歸

李將軍山亭

郭良

鳳轄將軍位龍門司隸家衣冠爲隱逸山水作繁華徑

出重林草池搖兩岸花誰知貴公第亭院有煙霞

友人山亭

殷遙

故人雖一作從薄宦往往涉清谿
鑿牖對山月褰裳拂澗
霓遊魚逆水上宿鳥向風棲
一見桃花發能令秦漢迷

登牛頭山亭

杜甫

路出雙林外亭窺萬井中
江城孤照日山一作春谷遠含
風兵革身將老關河信不通
猶殘數行淚忍對百花叢

陪獨孤使君與蕭員外登萬山亭

孟浩然

萬山青嶂曲千騎使君遊
神女鳴環珮仙郎接獻酬
遍觀雲夢野自愛江城樓
何必東南守空傳沈隱侯

秋登張明府海亭

海亭秋日望委曲見江山
染翰聊題壁傾壺一解顏
歌

一作歡逢彭澤令歸賞故園間
予亦將琴史栖遲共取閒

江亭

杜甫

坦腹江亭暖長吟野望時
水流心不競雲在意俱遲
寂寂春將晚欣欣物自私
故園一作林歸未得排悶強裁詩

泊松滋江亭

紗帽隨鷗鳥扁舟繫此亭
江湖深更白松竹遠還青
一柱全應近高唐莫再經
今宵南極外甘作老人星

暮春陪李尚書李中丞過鄭監湖亭泛舟

得過字

海內文章伯湖邊意緒多
玉樽移晚興桂楫帶酣歌
春

日繁魚鳥江天足 菱荷鄭莊賓客地 衰白遠來過

秋日寄題鄭監湖亭 三首

碧草違春意 沅湘萬里秋 池要山簡馬 月靜庾公樓 磨滅餘篇翰 平生一釣舟 高唐寒浪減 髣髴識昭丘

新作湖邊宅 還聞賓客過 自須開竹徑 誰道避雲蘿 官序潘生拙 才名賈誼多 捨舟應卜地 鄰接意如何

暫住 一作阻 蓬萊閣 終為江海人 揮金應物理 拖玉豈吾身 羹煮秋蓴滑 一作弱 杯凝露菊新 賦詩分氣象 佳句莫

頻頻

韓少府水亭

祖詠

梅福幽棲處 佳期不忘還 鳥啼當戶竹 花繞傍池山水

氣侵堦冷松 一作藤 陰覆座閒寧 知武陵趣 宛在市朝間

章梓州水亭

時漢中王兼道士席謙在會同用荷字 杜甫

城晚通雲霧 亭深到芰荷 吏人橋外少 秋水席邊多 近

屬淮王至高門 薊子過荆州 愛山簡吾醉 亦長歌

過崔八丈水亭

李白

高閣橫秀氣 清幽併在君 簷飛宛谿水 牕落敬亭雲 猿嘯風中斷 漁歌月裏聞 閒隨白鷗去 沙上自為羣

過南鄰朱山人水亭

杜甫

相近竹叅差 相過人不知 幽花歆滿樹 細水曲通池 歸

客村非遠殘樽席更移看君多道氣從此數追隨

夏日浮舟過陳大水亭

孟浩然

水亭涼氣多閒棹晚來過澗影見松一作藤竹潭香聞芰

荷野童扶醉舞山鳥助一作笑酣歌幽賞未云徧煙光奈

夕何

陸渾水亭

祖詠

晝眺伊川曲巖間霽色明淺沙平一作明有路流水漫無

聲浴鳥沿波聚潛魚觸釣驚更憐春岸綠幽意滿前楹

晚泊金陵水亭

江亭當廢國秋景倍蕭騷夕照明殘壘寒潮漲古濠就

田看鶴大隔水見僧高無限前朝事醒吟易覺勞

驩州南亭

沈佺期

昨望南亭夜分明夢洛中室家誰道別兒女案嘗同忽

覺猶言是沈思始悟空肝腸餘幾寸拭淚坐春風

相州北亭

張說

人務南亭少風煙北院多山花迷徑路池水拂藤蘿萍

散魚時躍林幽鳥任一作作歌悠然白雲意乘興抱琴過

渭橋北亭

儲光羲

停車渭橋一作陽暮望望入秦京不見鷓鴣道如聞歌吹

聲鄉覓涉江水客路指蒲城獨有故樓月今來亭上明

律言 卷三十一
旅宿淮陽亭

張九齡

日暮荒亭上悠悠旅思多故鄉臨桂水今夜渺星河暗
草霜華發空亭鴈影過興來誰與晤勞者自爲歌

旅次江亭

楊衡

扣舷不能寐皓露清衣襟彌傷孤舟夜遠結萬里心幽
興惜瑤草素懷寄鳴琴三奏月初上寂寥寒江深

晚至鄉亭

鄭德玄

長亭日已暮駐馬暫盤桓山川杳不極徒侶默相看雲
夕荆臺暗風秋郢路寒客心一如此誰復采芳蘭

崔禮部園亭

張說

窈窕留清館虛徐步晚陰水連伊闕近樹接夏陽深柳
蔓憐垂拂藤梢一作苗愛上尋訝君軒蓋侶非復俗人心

尋許山人亭子

奚賈

桃源若遠近漁子棹輕舟川路行難盡人家到漸幽山
禽拂席起溪水入庭流君是何年隱如今成白頭

重題鄭氏東亭

杜甫

華亭入翠微秋日亂清暉崩石欹山樹清漣曳水衣紫
鱗衝岸躍蒼隼護巢歸向晚尋征路殘雲傷馬飛

林亭詠

張九齡

穿築非求麗幽閒欲寄情偶懷因壤石真意在蓬瀛苔

益山文古池添竹氣清從茲果蕭散無事亦無營

林亭寓言

林居逢歲宴遇物使情多蘅茝不時與芬榮奈汝何更
憐籬下菊無如松上蘿因依自有命非是隔陽和

同蔡孚五亭詠

徐晶

章奏中京一作丹墀罷雲泉別業歸拂琴鋪野席牽柳挂朝
衣翡翠巢書幌鴛鴦立釣磯幽栖可憐處春事滿林扉

題一柱觀

張說

舊說江陵觀初疑神化來空中結雲閣綺靡隨風迴奈
何任一柱斯焉容衆材竒功非長世今餘草露臺

晨出郡舍林下

晨興步北林蕭散一開襟復見林上月娟娟猶未沈片
雲自孤遠叢篠亦清深無事由來貴方知物外心

和張荊州

崔頌

優閒表政清林薄賞秋成江上懸曉月往來虧復盈天
雲抗直意郡閣晦高名坐嘯應無欲寧辜濟物情

郡舍

黃麟

蟲響亂啾啾更人正數籌蒐歸洞庭夜霜臥洛陽秋微
月有時隱長河到曉流起來還囑鴈鄉信在吳洲

郡齋平望江山

岑參

水路東連楚人煙北接巴山光圍一郡江月照千家庭
樹純栽橘園畦半種茶夢竟知憶處無夜不京華

醉題屈突明府廳

李白

陶令八十日長歌歸去來故人建昌宰借問幾時迴風
落吳江雪紛紛入酒杯山翁今已醉舞袖爲君開

題鄴原郭三十二明府廳壁

杜甫

江頭且繫船爲爾獨相憐雲散灌壇雨春青彭澤田頻
驚適小國一擬問高天別後巴東路逢人問幾賢

宿陳留李少府揆廳

祖詠

相知有叔卿訟簡夜彌清旅泊一作宿倦愁臥空堂聞曙

更風簾搖燭

一作竹

影秋雨帶蟲聲歸思那堪說悠悠

洛城

題永樂韋少府廳壁

岑參

大河南郭外終日氣昏昏白鳥下公府青山當縣門故
人是邑尉過客駐征軒不憚煙波闊思君一笑言

題新鄉王金廳壁

憐君守一尉家計復清貧祿米嘗不足俸錢供與人城
頭薊門樹陌上黎陽塵不是舊相識聲同心自親

題丹陽陶司馬廳壁

薛據

高鑒清洞徹儒風入進難詔書增寵命才子益能官門

帶山光晚城臨江水寒唯餘好文客時得詠幽蘭

過舊宅

太宗

新豐停翠輦譙邑駐鳴笳園荒一徑斷苔古半階斜前池消舊水昔樹發今花一朝辭此地四海遂為一作家

過大哥宅

探得歌字

玄宗

魯衛情先重親賢愛轉多冕旒豐暇日乘景暫經過戚里申高宴平臺奏雅歌復尋為善樂方驗保山河

奉和過寧王宅

應制

張說

進酒忘憂觀簫韶喜降臨一作帝堯敦族一作禮王季友兄心竹苑龍鳴笛梧宮鳳遶林大風將小雅一字重

老五

作千金

奉和幸上官昭容院獻詩

四首

鄭愔

地軸樓居遠天台闕路賒何如遊帝宅卽此對仙家座拂金壺電池搖玉酒霞無云秦漢隔別訪武陵花堯茨姑射近漢苑建章連十五冀知月三千桃紀年鶯歌隨鳳吹鶴舞向鷗弦更覓瓊妃伴來過玉女泉官掖賢才重山林高尚難不言辭輦地更有結廬歡池棟清温燠巖牕起沍寒幽亭有仙桂聖主萬春看槎流天上轉茅宇禁中開河鵲填橋至山熊避檻來庭花采菜蓐巖石步莓苔願奉輿圖泰長開一作錦翰裁

初授官題高冠草堂

岑參

三十始一命宦情多一作都欲闌自憐無舊業不敢恥微
官澗水吞樵路山花醉藥欄祗緣五斗米辜負一漁竿

暮春題灤西新賃草堂

五首

杜甫

久嗟三峽客再與暮春期百舌欲無語繁花能幾時谷
虛雲氣薄波亂日華遲戰伐何由定哀傷不在茲
北郊千樹橘不見比封君養拙干戈際全生麋鹿羣畏
人江北草旅食灤西雲萬里巴渝曲三年實飽聞
綵雲陰復白錦樹曉來青身世雙蓬鬢乾坤一草亭哀
歌時自短醉舞為誰醒細雨荷鋤立江猿吟翠屏

壯年學書劍他日委泥沙事主并無祿浮生即有涯高
齋依藥餌絕域改春華喪亂丹心破王臣未一家
欲陳濟世策已老尚書郎不息豺虎鬪空慙鵝鷺行時
危人事急風逆羽毛傷落日悲江漢中宵淚滿牀

草堂即事

荒村建子月獨樹老夫家雪裏江船渡風前徑竹斜寒
魚依密藻宿鷺起圓沙濁酒禁愁得無錢何處賒

從驛次草堂復至東屯茅屋

二一首

峽裏歸田客江邊借馬騎非尋戴安道似向習家池山
險風煙合天寒橘柚垂築場看斂積一學楚人為

短景難高臥衰年強此身山家蒸栗煖野飯射麋新世
路知交薄門庭畏客頻牧童斯在眼田父實為鄰

夏日過鄭七山齋

杜審言

共有樽中好言尋谷口來薜蘿山逕入荷芰水亭開日
氣含殘雨雲陰送晚雷洛陽鍾鼓至車馬繫遲回

過從弟制疑官竹齋

張謂

羨爾方為吏衡門獨晏如野猿偷紙筆山鳥污圖書竹
裏藏公事花間隱使車不妨垂釣坐時膾小江魚

同衛八題陸少府書齋

高適

知君薄州縣好靜無冬春散帙至棲鳥明燈留故人深

房臘酒熟高院梅花新若是周旋地當令風義親

題李三書齋

崇嗣

陳子昂

灼灼青春仲悠悠白日昇聲容何足恃榮吝坐相矜願
與金庭會將待玉書徵還丹應有術煙駕共君乘

奉陪鄭駙馬韋曲

二首

杜甫

韋曲花無賴家家惱殺人淥樽須盡日白髮好禁一作傷
春石角鉤衣破藤梢一作枝刺眼新何時占叢竹頭戴

小烏巾

野寺垂楊裏春畦亂水間美花多映竹好鳥不歸山城
郭終何事風塵豈駐顏誰能共公子薄暮欲俱還

尋鞏縣南李處士別業

岑參

先生近南郭茅屋臨東川桑葉隱村戶蘆花映釣船有時著書暇盡日牕中眠且喜閭井近灌田同一泉

春尋河陽陶處士別業

風暖日暎暎黃鸝飛近村花明潘子縣柳暗陶公門藥椀搖山影魚竿帶水痕南橋車馬客何事苦喧喧

宿岐州北郭嚴給事別業

郭外山色暝主人林館秋疎鐘入臥內片月到牀頭遙夜惜已半清言殊未休君雖在青瑣心不忘滄洲

潘司馬別業

周瑀

門對青山近汀牽綠草長寒深包晚橘風緊落垂楊湖畔聞漁唱天邊數鴈行蕭然有高士清思滿書堂

蘇氏別業

祖詠

別業居幽處到來生隱心南山當戶牖澧水映園林屋一作竹覆經冬雪庭昏未夕陰寥寥人境外閒坐聽春禽

終南別業

一作入山寄城中故人

王維

中歲頗好道晚家南山陲興來每獨往勝事空自知行到水窮處坐看雲起時偶然值林叟談笑無一作滯還期

淇上別業

高適

依依西山下別業桑林邊庭鴨喜多雨鄰雞知暮天野

人種秋菜古老開原田且向世情遠吾今聊自然

汝墳別業

祖詠

失路農為業移家到汝墳獨愁常廢卷多病久離羣鳥
雀垂窓柳虹霓出澗雲山中無外事樵唱有時聞

南谿別業

蔣冽

結宇依青嶂開軒對綠疇樹交花兩色谿合水同一作重
流竹徑春一作風來掃蘭樽夜不收逍遙自得意鼓腹醉

中遊

陪鄭廣文遊何將軍山林

十首

杜甫

不識南塘路今知第五橋名園依綠水野竹上青霄谷

口舊相得濠梁同見招平生為幽興未惜馬蹄遙

百頃風潭上千葦夏木清卑枝低結子接葉暗巢鸞鮮

鯽銀絲鱠香芹碧澗羹翻疑施樓底晚飯越中行

萬里戎王子何年別月支異花開絕域滋蔓匝清池漢

使徒空到神農竟不知風一作露翻兼雨打開坼漸離

披

旁舍連高竹疎籬帶晚花碾澗深沒馬藤蔓曲藏一作垂

蛇詞賦工無一作何益山林跡未賒盡捻書籍賣來問爾

棗家

剝水滄江破殘山碣石開綠垂風折笋紅綻雨肥梅銀



甲彈箏用金魚換酒來興移無酒掃隨意坐莓苔
 風磴吹陰雪雲門吼瀑泉酒醒思臥簟衣冷欲裝綿野
 老來看客河魚不取錢只疑淳朴處自有一山川
 棘樹寒雲色茵陳春藕香脆添生菜美陰益食簞涼野
 鶴清晨出山精白日藏石林盤水府百里獨蒼蒼
 憶過楊柳渚走馬定昆池醉把青荷葉狂遺白接羅刺
 船思郢客解水乞吳兒坐對秦山晚江湖興頗隨
 牀上書連屋階前樹拂雲將軍不好武稚子總能文醒
 酒微風入聽詩靜夜分絺衣挂蘿薜涼月白紛紛
 幽意忽不愜歸期無奈何出門流水住回首白雲多自

笑燈前舞誰憐醉後歌祗應與朋好風雨亦來過

重遊何氏 五首

問訊東橋竹將軍有報書倒衣還命駕高枕乃吾廬花
 妥鶯捎蝶谿喧獺趁魚重來休沐地真作野人居
 山雨樽仍在沙沈榻未移犬迎曾宿客鷗護落巢兒雲
 薄翠微寺天清皇子陂向來幽興極步履過東籬
 落日平臺上春風啜茗時石欄斜點筆桐葉坐題詩翡
 翠鳴衣桁蜻蜓立約絲自今幽興熟 一作自逢 來往亦
 無期

頗怪朝叅懶應耽野趣長雨拋金鑲甲苔臥綠沈槍手

自移蒲柳家纔足稻梁看君用幽意白日到羲皇
到此應嘗宿相留可判年蹉跎暮容色悵望好林泉何
日霑微祿歸山買薄田斯遊恐不遂把酒意茫然

同玉真公主過大哥山池

玄宗

地有招賢處人傳樂善名鶩池臨一作尋九達龍岫對層
城桂月先秋冷蘋風向晚清鳳樓遙可見彷彿玉蕭聲

奉和

張說

綠竹初成苑丹砂欲化金乘龍與驂鳳歌吹滿山林爽
氣凝情一作波迴寒光映浦深忘憂題此觀為樂賞同心

寧王山池

范朝

小勢臨階轉峯形對路開槎從天上得石是海邊來瑞
草分叢種祥花間色栽舊傳詞賦客唯見有鄒枚

和韋承慶過義陽公主山池

五首

杜審言

野興城中發朝英物外求情懸朱紱望契動赤泉遊海
燕巢書閣山雞舞畫樓雨餘清晚夏共坐北巖幽

逕轉危

一作孤

峰逼橋迴

一作斜

缺岍妨玉泉移酒味石髓

換稜香綰霧青絲弱牽風紫蔓長猶言宴一作行樂少別

向後池塘

携琴遶碧沙搖筆弄青霞杜若幽庭草芙蓉曲沼花宴
遊成野客形勝得山家往往留仙步登攀日易斜

攢石當軒倚懸泉度牖飛鹿麋銜妓席鶴子曳童衣園
果嘗難遍池蓮摘未稀卷簾唯待月應在醉中歸

賞翫奇他日高深愛此時池分一作八水背峰作九山

疑地靜魚偏逸人間鳥欲欺青谿留別興更與白雲期

過崔駙馬山池

王維

畫樓吹笛妓金椀酒家胡錦石稱貞女青松學大夫脫

貂黃桂醕射鴈與山厨聞道高陽會愚公谷正愚

沈東美員外山池

綦母潛

仙郎偏好道鑿沼象瀛洲魚樂隨情性船行任去留秦

人辨雞犬堯日識巢由歸客衡門外仍憐返景幽

姚開府山池

孟浩然

主人新邸第相國舊池臺館是招賢闢樓因教舞開軒

車人已散簫管鳳初來今日龍門下誰知文舉才

蘇著作山池

賈彥璋

水樹子雲家蓬瀛宛不賒芥浮舟是葉蓮發岫為花酌

蟻開春甕觀魚憑海槎遊蘇多石友題贈滿瑤華

唐都尉山池

崔湜

曲渚颺輕舟前谿釣晚流鴈翻蒲葉起魚撥荇花游金

子懸湘柚珠房拆海榴幽尋惜未已清月半西樓

和尹諫議史館山池

王維

雲一作靈館接天居霓裳侍玉除春池百子外芳樹萬年

餘洞有仙人錄山藏太史書君恩深漢帝且莫上空虛

冬日臨昆明池

太宗

石鯨分玉溜劫燼隱平沙柳影冰無葉梅心凍有花寒

野疑朝霧霜天散夕霞歡情猶未極落景遽西斜

扈從御宿池

祖詠

君王既巡一作出符輦道一作路入秦京遠樹低槍壘孤峯

一作山入幔城寒疎清禁漏夜警羽林兵誰念迷方客長

懷魏闕情

遊長寧公主流杯池六首

上官昭容

玉環騰遠創金埒荷殊榮弗翫珠璣飾仍畱仁智情鑿

山便作室憑樹卽爲楹公輸與班爾從此遂韜聲

登山一長望正遇九春初結駟填街術閭闔滿邑居闢

雪梅先吐驚風柳未舒直愁斜日落不畏酒樽虛

霽曉氣清和披襟賞薜蘿玳瑁凝雲色琉璃漾水波鼓

石聊長嘯攀松乍短歌除非物外者誰就此經過

暫爾遊山第淹畱惜未歸水牕明月滿澗戶白雲飛書

引藤爲架人將薜作衣此真攀翫所臨睨賞光輝

放曠出煙雲蕭條自不羣漱流清意府隱几避囂氛石

畫妝苔色風梭織水文山室何爲貴唯餘蘭桂薰

策杖臨霞岫危步下霜蹊志逐深山靜途隨曲澗迷漸
覺心神逸俄看雲霧低莫怪人題樹祇爲賞幽棲

與任城許主簿遊南池

杜甫

秋水通溝洫城隅進小船晚涼看洗馬森木亂鳴蟬菱
熟經時雨蒲荒八月天晨朝降白露遙想一作憶舊青氊

陪王漢州留杜綿州泛房公西池

池在漢州房公所鑿也

舊相思追後春池賞不稀闕庭分未到舟楫有光輝鼓
化尊綵熟刀鳴鱸縷飛使君雙皂蓋灘淺正相依

秋夜與劉碭山泛燕喜亭池

李白

明宰試舟楫張燈宴華池文招梁苑客歌動郢中兒月

色望不盡空天交相宜令人欲泛海只待長風吹

晚秋陪嚴鄭公摩訶池泛舟

得谿字池在府內蕭摩訶所開

杜甫

湍駛風醒酒船回霧起隄高城秋自落雜樹晚相迷坐
觸鴛鴦起巢傾翡翠低莫須驚白鷺爲伴宿清谿

同辛簿酬思玄上人林泉

四首

駱賓王

聞君招隱地髣髴武陵春緝芰知還楚披榛似避秦崩
查年祀積幽草歲時新一謝滄浪水安知有逸人
芳晨臨上月幽賞狎中園有蝶堪成夢無羊可觸藩忘
懷南澗藻蠲思北堂萱坐歎華滋歇思君誰爲言

林泉恣探歷風景暫徘徊客有遷鶯處人無結駟來聚
 花如薄雪沸水若輕雷今日徒招隱終知異鑿坏
 俗遠風塵隔春還初服遲林疑中散地人似上皇時芳
 杜湘君曲幽蘭楚客詞山中有春草長以寄相思

陸渾山莊

宋之問

歸來物外情負杖閱巖耕源水看花入幽林採藥行野
 人相問姓山鳥自呼名去去獨吾樂無能一作愧此生

藍田山莊

宦遊非吏隱心事好幽偏考室先依地為農且用天輞
 川朝伐木藍水暮澆田獨與秦山老相歡春酒前

春日山莊

韋述

初歲開韶月田家喜載陽晚晴搖水態遲景蕩山光浦
 淨漁舟遠花飛樵路香自然成野趣都使俗情忘

春晚山莊率題

一首

盧照隣

顧步三春晚田園四望通遊絲橫惹樹戲蝶亂依叢竹
 懶偏宜水花狂不待風唯餘詩酒意當了一生中
 田家無四隣獨坐一園春鶯啼非選樹魚戲不驚綸山
 水彈琴盡風花酌酒頻年華已可樂高興復留人

過故人莊

孟浩然

故人具雞黍邀我至田家綠樹村邊合青山郭外斜開

律詩
卷三十一
二十四

一作軒

回場圃把酒話桑麻待到重陽日還來就菊花

漢上題韋氏莊

岑參

結茅聞楚客卜築漢江邊日落數歸鳥夜深聞扣舷水
痕侵岸柳山翠借厨煙調笑提筐婦春來蠶幾眠

題江潮莊壁

萬楚

田家喜秋熟歲宴林葉稀禾黍積場圃植梨垂戶扉野
閒犬時吠日暮牛自歸時復落花酒茅齋堪解衣一作樂饑

題李十四莊兼贈綦母校書

孟浩然

聞君息陰地東郭柳林間左右瀍澗水門庭緱氏山抱
琴來取醉垂釣坐乘閒歸客莫相待尋一作緣源殊未還

韋給事山居

王維

幽尋得此地詎有一人曾大壑隨階轉羣山入戶登
厨出深竹印綬隔垂藤卽事辭軒冕誰云病未能

題栢大兄弟山居屋壁

二一首

杜甫

叔父朱門貴郎君玉樹高山居精典籍文雅涉風騷江
漢終吾老雲林得爾曹哀絃饒白雪未與俗人操
野屋流寒水山籬帶薄雲靜應連虎穴喧已去人羣筆
架霑牕雨書籤映隙曛蕭蕭千里馬箇箇五花文

山居卽事

王維

寂寞掩柴扉蒼茫對落暉鶴巢松樹遍人訪蕁門稀綠

律詩
五言

卷三十一

二十四

竹舍新粉紅蓮落故衣渡頭煙火起處處采菱歸

尋白鶴巖張子容隱居 孟浩然

白鶴青巖半幽人有隱居階庭空水石林壑罷樵漁歲

月青松老風霜苦竹踈靚茲懷舊業廻策返吾廬

遊李山人隱居因題屋壁 王維

世上一作人事皆如夢狂來或一作止自歌問年松樹老有地

竹林多藥倩韓康賣門容尚子過翻嫌枕席上無那一作

奈白雲何

題張氏隱居 杜甫

之子時相見邀人晚興留霽潭鱸發發春草鹿呦呦杜

酒偏勞勸張梨不外求前村山路險歸醉每無愁

輞川間居 王維

一從歸白社不復到青門時倚檐前樹遠看原上村青

菰臨水映白鳥向山翻寂寞於陵子桔槔方灌園

都門間居 王羨門

君王巡海內北闕下明臺雲物天中少煙花歲後來河

從御苑出山向國門開寂寞東京裏空留賈誼才

間居 常建

青苔常滿路一作地流水復入林遠與市朝隔日聞鷄犬

深寥寥丘中想渺渺湖上心嘯傲轉無欲不知成陸沈

郊興

王勃

空園歌獨酌春日賦閒居澤蘭侵小徑河柳覆長渠
去花光濕風歸葉影疎山人不惜醉唯畏綠樽虛

春日還郊

閒情兼默語一作攜杖赴巖泉草綠繁新帶榆青綴古

錢魚牀侵岸水鳥路入山煙還題平子賦花樹滿春田

仲春郊外

東園垂柳徑西堰落花津物色連三月風光絕四鄰
飛村覺曙魚戲水知春初晴山院裏何處染鶯塵

涼州郊外遊望

王維

野老纔三戶邊村少四鄰婆娑依里社簫鼓賽田神
灑酒澆芻狗焚香拜木人女巫紛屢舞羅襪自生塵

西郊

杜甫

時出碧雞坊西郊向草堂市橋官柳細江路野梅香
傍架齊書帙看題減藥囊無人覺來往踈嬾意何長

秋野五首

秋野日疏蕪寒江動碧虛繫舟蠻井絡卜宅楚村墟
棗熟從人打蒸荒欲自鋤盤餐老夫食分減及谿魚
易識浮生理難教一物違水深魚極樂林茂鳥知歸
吾老甘貧病榮華有是非秋風吹几杖不厭北山薇

律詩 卷三十一 二
禮樂攻吾短山林引興長掉頭紗帽側曝背竹書光風
落收松子天寒割蜜房稀疏小紅翠駐屐近微香
遠岸秋沙白連山晚照紅潛鱗輸駭浪歸翼會高風砧
響家家發樵聲箇箇同飛霜任青女賜被隔南宮
身許麒麟畫年衰鶴鷺羣大江秋易盛空峽夜多聞逕
隱千重石帆留一片雲兒童解蠻語不必作參軍

野望

王績

東臯薄暮望徒倚欲何依樹樹皆秋一作春色山山唯落
暉牧人驅犢返猶馬帶禽歸相顧無相識長歌懷采薇

野望

三首末首一作過常少府

杜甫

納納乾坤大行行郡國遙雲山兼五嶺風壤帶二
樹侵江濶春蒲長雪消扁舟空老去無補聖明朝
清秋望不極迢遞起層陰遠水兼天淨孤城隱霧
稀風更落山迴日初沉獨鶴歸何晚昏鴉已滿林
野橋齊度馬秋聲轉悠悠竹覆青城合江從灌口來入
村樵徑引嘗果栗園開落盡高天目幽人未遣回

春日江村

五首

農務村村急春流岸岸深乾坤萬里眼時序百年心茅
屋還堪賦桃源自可尋艱難昧生理飄泊到如今
迢遞來三蜀蹉跎又六年客身逢故舊發興自林泉過

嬾從衣結頻遊任履穿藩籬頗無限一作無恣意向一作

賈江天

種竹交加翠栽桃爛熳紅經心石鏡月到面雪山風赤
管隨王命銀章付老翁豈知牙齒落名玷薦賢中

扶病垂朱紱歸休步紫苔郊扉存晚計幕府媿羣材燕
外晴絲卷鷗邊水葉開鄰家送魚鱉問我數能來

羣盜哀王粲中年召賈生登樓初有作前席竟為榮宅
入先賢傳才高處士名異時懷二子春日復含情

季秋江村

喬木村墟古疎籬野蔓懸素一作清琴將暇日白首望霜

天登俎黃甘重支牀錦石圓遠遊雖寂寞難見此山川

春日山家

宋之問

今日遊何處春泉洗藥歸悠然紫芝曲晝掩白雲扉魚

躍一作樂偏尋藻人間屢采薇丘中無俗事身世兩相違

夏日遊山家

同夏少府作

駱賓王

返照下層岑物外狎招尋蘭徑薰幽佩槐庭落暗金谷

靜風聲徹山空月色深一遣樊籠累唯餘松桂心

淇上田園卽事

王維

屏居淇水上東野曠無山日隱桑柘外河明閭井間牧

童望村去獵犬隨人還靜者亦何事荆扉乘晝關

張谷田舍

儲光羲

縣官清且儉深谷有人家一徑入寒竹小橋穿野花
喧春澗滿一作漫梯倚綠桑斜自說年來稔前村酒可賒

田舍

杜甫

田舍清江曲柴門古道傍草深迷市井地僻嬾衣裳
柳枝枝弱枇杷樹樹香鷓鴣西日照曬翅滿魚梁

題田父廬舍

丘爲

東風何處至已綠湖上山湖上春已早田家日不閒
溝塍流水處耒耜平蕪間薄暮飯牛後歸來還閉關

李氏園廬

孟浩然

我愛陶潛趣林園無俗情春雷百卉坼寒食四隣清
伏枕嗟公幹歸田羨子平年年白社客空滯洛陽城

題一作憶張野人園廬

與君園廬並微尚頗亦同耕釣方自逸壺觴趣不空
門無俗士駕人有上皇風何處一作必先賢傳惟稱龐德公

春園卽事

王勃

烟霞春日賞松竹故年心斷山疑畫障懸溜瀉鳴琴草
徧南亭合花濃北院深閒居饒酒賦隨興欲抽簪

前題

王維

宿雨乘輕屐春寒着弊袍開畦分白水間柳發紅桃草

際成棊局林端舉桔槔還持鹿皮几日暮隱蓬蒿

對酒春園作

王勃

投簪下山閣攜酒對河梁狹水牽長鏡高花送斷香繁
鶯歌似曲疎蝶舞成行自然催一醉非但閱一作惜年光

小園二首

杜甫

仲夏多流水清晨向小園碧谿搖艇濶朱果爛枝繁始
為江山靜終防市井喧畦蔬繞茅屋自足媚盤殮
由來巫峽水本自楚人家客病留因藥春深買為花秋
庭風落果灑岸雨頽沙問俗營寒事將詩待物華

為農

錦里煙塵外江村八九家圓荷浮小葉細麥落一作墜輕
花卜宅從茲老為農去國賒遠慚勾漏令不得問丹砂

茅堂檢校收稻二首

香稻三秋末平田百頃間喜無多屋宇幸不礙雲山御
袂侵寒氣嘗新破旅顏紅鮮終日有玉粒未吾慳
稻米炊能白秋葵煮復新誰云滑易飽老籍軟俱勻種
幸房州熟苗同伊闕春無勞映渠盃自有色如銀

刈稻子

稻穫空雲水川平對石門寒風疎草木旭一作曉日散雞
豚野哭初聞戰樵歌稍出村無家問消息作客信乾坤

行詩 卷三十一

南山下與老圃期種瓜 孟浩然

樵牧南山近林間北郭賒先人留素業老圃作鄰家不
種千株橘惟資五色瓜邵平能就我開徑剪一作蓬麻

除瓜架 杜甫


束薪已零落瓠葉轉蕭疎幸結白花了寧辭青蔓除秋
蟲聲不去暮雀意何如寒事今牢落人生亦有初

廢畦

秋蔬擁霜露豈敢惜凋殘暮景數枝葉天風吹汝寒綠
霜泥滓盡香與歲時闌生意春如昨悲君白玉盤

課小豎鋤斫舍北果林枝蔓荒穢淨訖移牀二首

病枕依茅棟荒鉏淨果林背堂資僻遠在野興清深山
雉防求敵江猿應獨吟洩雲高不去隱几亦無心
衆壑生寒早長林卷霧齊青蟲懸就日朱果落封泥薄
俗防人面全身學馬蹄吟詩坐回首隨意葛巾低
籬弱門何向沙虛岸只摧日斜魚更食客散鳥還來寒
水光難定秋山響易哀天涯稍曛黑倚杖更徘徊



詩五言 卷三十一

行詩 卷之三 三十一

自書

五色瓜

水次鑿空煉山響長哀天我醉顛黑尚如更非回

鑿空門向向心盡卓只對日持魚更食客妍鳥豩來寒

谷初人面全良學無雜今精坐回首韻意葛巾外

寒墜主寒早身林卷霧齊青蟲纏涼日未果蒼桂張蕪

鞅刃末嫡玉恣甄斷今與雲高不去對八亦無以

麻林水裝棘荒瑣帝果林背堂資翰藪玉理興尚采山

